


## ANG DIOS MOTUBAG SA IMONG MGA PAG-AMPO



**Tun-i kini mahitungod sa Dios.**

Ang pulong Ginoo maoy laing ngalan sa Dios.

Adunay mga tawo nga nagabuhat sa ilang kaugalingong diosdios.

Ang Ginoo mao ang tinuod nga Dios.

Ang Dios buot nga ikaw magaampo ngadto Kaniya.

Basaha kini gikan sa Biblia  
Kusga pagbasa makalima nga subli



Si Jehova nga atong Dios, maoy usa lamang ka Jehova; higugmaa si Jehova nga imong Dios sa bug-os mong kalag, ug sa bug-os mong gahum. Deuteronomio 6:4, 5.

### Mabuhat mo ba kini?

Badlisi ubos sa tukma nga tubag.

1. Kinsa man ang gisugo sa Dios nga imong pagaampoan?  
ang mga diosdios nga binuhat sa tawo      ang Ginoong Dios
2. Unsa man ang imong pagabation alang sa Dios?  
mahigugma Kaniya      mahadlok Kaniya      malimot Kaniya
3. Unsa man ang pulong nga gigamit ingon nga laing ngalan sa Dios?  
Babaye      Ginoo      Usa nga wala mailhi      Principio

## Mga Tubag

1. ang Ginoong Dios
2. mahigugma Kaniya
3. Ginoo

Adunay mga tawo nga nagabuhat sa ilang kaugalingong diosdios.  
Badlisi ubos sa tanang pulong gikan niining timaana ngadto sa

Human ang lunop ang mga anak ni Noe nakabaton ug daghang mga anak ang ilang mga anak nanganak ug ang anak sa ilang mga anak nanganak usab. Midaghan na usab ang mga tawo sa kalibutan.



Si Noe ug ang iyang mga anak nagtug an sa katawhan mahitungod sa Dios.

- Apan ang mga tawo wala mahigugma sa Dios sama sa gibuhat ni Noe.
  - Buot sila nga magabuhat sa tanang butang sa ilang kaugalingong paagi.
- Sila dili buot ma.nati sa ilang mga ginikanan, bisan sa ilang mga apohan ug bisan sa Dios.


May usa ka tawo nga si Nimrod naghimo sa iyang kaugalingon nga hari.

Buot niya nga ang mga tawo magasunod kaniya-ug dili sa Dios.

- Gidala ni Nimrod ang mga tawo halayo sa Dios.
- Sila misugod sa pag-ampo ngadto sa adlaw ug sa bulan ug sa mga diosdios nga ilang binuhat.



Ang mga tawo nanagtunaw ug apog ug nagbuhat niini nga mga kagamitan sa pagtukod ug usa ka torre.



Ang Dios nakakita sa gipamuhat sa katawhan. Siya nasayud nga sila nagabuhat ug dautan .

• Sa hamubong panahon gitugotan sa Dios ang mga tawo sa pagtuman sa ilang kaugalingong paagi.

• Unya giundang sila sa Dios.

Ang Dios wala magpadala ug lain nga lunop. Iya lamang gilibog ang mga tawo pinaagi sa pagsulti sa nagkalainlaing sinultihan.

Ang mga tawo wala na magkasinabtanay. Sila dili na magkasinultihanay sa usa ug usa. Sila dili na makapadayon sa pagbuhat. Busa ilang giundang ang pagtukod sa torre. Ilang gitawag ang dapit nga Babel. Ang Babel nagkahulugan nga kalibugan.



Gibiyaan sa mga tawo si Nimrod ug ang Babel. Miadto sila sa nagkalainlaing padulnganan.

May mga panimalay nga nanag-apon sa pagpuyo, unya mga pundok sa panimalay usab.

Sila nagtukod ug kaugalingon nilang mga siyudad.

• Gikalimtan nila ang mahitungod sa Usa ka Tinuod nga Dios.



• Bisan diin nanagpuyo ang mga tawo sila nagbuhat sa kaugalingon nilang mga diosdios: • Iihay dagku ug gagmay nga mga diosdios, mga dios nga bato, kahoy, salapi ug bulawan.

• Sila nanag-ampo ngadto sa mga diosdios nga ilang binuhat.





**Ang Ginoo mao ang tinuod nga Dios.**

Ang mga diosdios sa katawhan nga ilang binuhat dili makadungog.  
Ang mga diosdios nga ilang binuhat dili makasulti.  
Sila dili makakita.  
Dili sila makahigugma sa katawhan,  
sama sa tinuod nga Dios.  
Dili sila tinuod nga mga diosdios.

● Ang Ginoo lamang ang bugtong ug tinuod nga Dios. ●

Ang katawhan nahikalimot sa tinuod nga Dios.  
Apan ang Dios wala mahikalimot kanila.  
Ang Dios sa gihapon nahigugma kanila ug buot nga motabang kanila.

### **Ang Dios magapamati sa imong mga pag-ampo**

Dili ikaw makakita sa tinuod nga Dios,  
apan Siya anaa diha uban kanimo.

Sa panahon nga ikaw makigsulti sa tinuod nga Dios  
Siya mamati kanimo.

Ang Dios nahigugma kanimo ug may tinguha sa pagtabang kanimo.  
Hangyoa ang Dios alang sa imong gikinahanglan.

● Ang Dios mamati ug magatubag sa imong mga pag-ampo. ●

### **Tun-i kini nga pag-ampo**

Ikaw nakakita kanako ug nakadungog kanako ug nahigugma kanako, mahal ko nga Dios.

Tungod kay Ikaw mao man ang tinuod nga Dios. Sa kanunay haduol ikaw kanako.

Ako magaampo Kanimo, Ginoo, ug dili ngadto sa mga diosdios Sila dili makahimo sa paghigugma kanako ug dili makakita kanako ug dili makadungog kanako. Sa ngalan ni Jesus, Amen!



**Karon sulati ang imong Talaan sa Tinun-an alang sa Leksyon 9.**

INTERNATIONAL CORRESPONDENCE INSTITUTE  
PHILIPPINE NATIONAL OFFICE, P.O. BOX 1084, MANILA

## 9

# ANG DIOS MOTUBAG SA IMONG MGA PAG-AMPO

## KALINGAWAN NGA IMONG PAGABUHATON

### Pagtukod ug Torre

Pangitag lapad nga mga bato.  
Ibutang kini una sa yuta, pundoka  
paglibot. Dugangi pagpatong ug  
mga bato. Tanawon mo kon  
asa kutob ang kataason sa imong  
mahimo hangtud nga kini  
matumpag.



### Badlisi ubos sa tukma nga mga pulong.

- Badlisi ang mga pulong nga naghigot sa tinuod nga Dios.
 

kabus	daku	kahoy	nakakita
nagbuhat	nag-atiman	nagatabang	bulawan
maayo	nagapamakak	nahigugma	nagsulti
bungol	namati	nahibalo	buta
  
- Badlisi ubos sa mga pulong nga naghigot mahitungod sa mga tawo niini nga leksion.
 

nakalimot sa Dios	mga maayong tawo
mga mapuangoron	nahigugma sa Dios
naghimog mga diosdios	nanagkatibulaag
  
- Badlisi ubos sa mga pulong nga naghigot mahitungod sa mga diosdios nga binuhat sa mga tawo.
 

nakakita	bato	kahoy
nakadungog	nakasulti	nahigugma



4. Badlisi ubos sa mga pulong nga naghigot nga buot sa Dios nga imong pagabuhaton.

mahimong maayo (buotan)	magtuman sa kaugalingon	mahigugma sa Dios
maglagot	mag-ampo ngadto sa tinuod nga Dios	mahadlok
malipay	Magbuhat sa gisugo sa Dios kanimo	magmasulob-on

**Ikaw makatabang sa uban.**

Buot ba kaha ang imong mga kahigalaan nga magtoon sa curso nga ..... Ang Dios Nahigugma Kanimo? Linawa sa pagsulat nga minuldi ang ilang mga ngalan ug ang dapit nga pagaabutan sa sulat. Among ipadala kini ngadto kanila. Kon kinahanglan ang lain palid sa papel aron masulatan sa dugang pa nga mga ngalan, himoa niini.

Ngalan .....

Pinuy-anan nga pagadad-an sa sulat .....

.....

Ngalan .....

Pinuy-anan nga pagadad-an .....

.....

Nabuhat mo na ba ang tanang angay buhaton niini nga Leksyon? .....

Linawa sa pagsulat nga minuldi ang imong ngalan

.....

Grado .....

Ang imong papel sa pasulit pagahatagan ug grado ug ipadala balik kanimo, kauban sa sunod nimong leksyon. Kami malipay sa pagdawat ug mga sulat nga gikan gayud kanimo. Pangutana lamang bisan unsa nga mga pangutana nga moabot sa imong hunahuna sa panahon nga ikaw nagtoon. IPADALA KINING PAPEL SA PASULIT NGADTO SA:

INTERNATIONAL CORRESPONDENCE INSTITUTE  
PHILIPPINE NATIONAL OFFICE—P.O. BOX 1084, MANILA